



Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Na osnovu člana 20. stav 1. Zakona o lokalnoj samoupravi („Službene novine Zeničko-dobojskog kantona“, broj: 13/98, 8/00 i 2/05), člana 20. stav 1. tačka 2. i člana 115. stav 2. Statuta Općine Breza („Službeni glasnik Općine Breza“, broj: 7/21), Općinsko vijeće Breza na dvadesetoj redovnoj sjednici, održanoj dana 14.07.2022. godine, donosi

O D L U K U

o izmjeni i dopuni Odluke o visine naknade vijećnicima i Predsjedavajućem Općinskog vijeća Općine Breza

Član 1.

U Odluci o utvrđivanju visine naknade vijećnicima i Predsjedavajućem Općinskog vijeća Općine Breza („Službeni glasnik Općine Breza“, broj: 7/21) član 2. mijenja se i glasi:

„Vijećnik Općinskog vijeća (u daljem tekstu: vijećnik), ima pravo na novčanu naknadu za vršenje funkcije vijećnika u iznosu od 280,00KM mjesečno.

„Predsjedavajući Općinskog vijeća (u daljem tekstu: Predsjedavajući) ima pravo, pored naknade utvrđene u stavu 1. ovog člana, na novčanu naknadu za vršenje funkcije Predsjedavajućeg u iznosu od 190,00KM mjesečno.“

Član 2.

U članu 3. Odluke o utvrđivanju visine naknade vijećnicima i Predsjedavajućem Općinskog vijeća Općine Breza („Službeni glasnik Općine Breza, broj: 7/21) novčani iznos 30,00 KM zamijenjuje se iznosom od 40,00 KM.

Član 3.

Ova Odluka stupa na snagu danom objavljivanja u „Službenom glasniku Općine Breza“.

Broj: 01/1-02-2193/21
Breza: 14.07.06.2022. godine

PREDSJEDAVAJUĆI
Općinskog vijeća
Anel Rihčić, s.r.

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Na osnovu člana 13. stav 1. tačka c. Zakona o pripadnosti javnih prihoda u Federaciji BiH („Službene novine Federacije BiH”, broj: 22/06, 43/08, 22/09), člana 36. i 37. Zakona o principima lokalne samouprave u Federaciji Bosne i Hercegovine („Službene novine Federacije BiH”, broj: 49/06, 51/09) i člana 20. stav 1. tačka 6. Statuta Općine Breza („Službeni glasnik Općine Breza”, broj: 7/21), Općinsko vijeće Breza, na dvadesetoj redovnoj sjednici održanoj dana 14.07.2022.godine, donosi

ODLUKU
o dopunama Odluke o općinskim administrativnim taksama

Član 1.

U Odluci o općinskim administrativnim taksama („Službeni glasnik Općine Breza”, broj: 14/14 - Prečišćeni tekst, 6/18, 3/21) u članu 12. stav 1. iza alineje 11. dodaje se alineja 12. koja glasi:

„ - građani koji su u radnom odnosu na određeno vrijeme u postupku ovjere dokumenata vezanih za zapošljavanje, uz ugovor o radu na određeno vrijeme“.

Član 2.

Ova odluka stupa na snagu danom objavljivanja u „Službenom glasniku Općine Breza“.

Broj: 01/1-02-1892/22
Breza, 14.07.2022. godne.

PREDSJEDAVAJUĆI
Općinskog vijeća
Anel Rihčić, s.r.

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Na osnovu člana 13. stav 2. alineja 5. Zakona o principima lokalne samouprave („Službene novine Federacije BiH“, broj: 49/06 i 51/09), člana 20. tačka 7. i člana 106. stav 3. Statuta Općine Breza („Službeni glasnik Općine Breza“, broj: 7/21) i Zaključka Općinskog vijeća Breza, broj: 01/2-02-1719/22 od 02.06.2022. godine („Službeni glasnik Općine Breza“, broj: 5/22), Općinsko vijeće Breza, na dvadesetoj redovnoj sjednici održanoj dana 14.07.2022. godine, d o n o s i

O D L U K U

**o izmjeni Oduke o privremenom zauzimanju javnih površina
na području općine Breza**

Član 1.

U Odluci o privremenom zauzimanju javnih površina na području općine Breza („Službeni glasnik Općine Breza“, broj: 4/18 i 4/21), u članu 11. stav 2., mijenja se i glasi:

„Početni iznos naknade za zauzimanje zelene javne površine putem javnog oglasa, iznosi 6,00 KM/m² mjesečno.“

Član 2.

Odluka o izmjeni Odluke o privremenom zauzimanju javnih površina na području općine Breza će se primjenjivati u periodu tekuće 2022. godine.

Član 3.

Ova odluka stupa na snagu danom objavljivanja u „Službenom glasniku Općine Breza“.

Broj: 01/1-02-1890/22
Breza, 14.07. 2022. godine

PREDSJEDAVAJUĆI
Općinskog vijeća
Anel Rihčić, s.r.

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Na osnovu člana 13. stav 2. alineja 5. Zakona o principima lokalne samouprave u Federaciji Bosne i Hercegovine („Službene novine FBiH“ broj: 49/06 i 51/09), člana 20. stav 1. tačka 7. i člana 106. stav 3. Statuta Općine Breza („Službeni glasnik Općine

Breza“, broj: 7/21), Općinsko vijeće Breza, na dvadesetoj redovnoj sjednici održanoj, dana 14.07.2022. godine, d o n o s i

O D L U K U

o korištenju Društvenog centra u Brezi

Član 1.

Društveni centar u Brezi sa sjedištem u ul. Alije Izetbegovića bb., koji je u sklopu Kulturnog centra, čiji je vlasnik Općina Breza, opremljen je kroz projekat „Jačanje uloge mjesnih zajednica u BiH“, sa ciljem iniciranja građanskog aktivizma.

Član 2.

Društveni centar u Brezi će se davati na korištenje mjesnim zajednicama, nevladinim organizacijama, neformalnim grupama građana, udruženjima i drugim zainteresovanim licima sa područja općine Breza.

Član 3.

Uslovi upravljanja, održavanja i korištenja Društvenog centra definisat će se Pravilnikom o upravljanju, održavanju i korištenju Društvenog centra, koji će donijeti Općinski načelnik u roku od 30 dana od dana donošenja ove Odluke.

Član 4.

Ova odluka stupa na snagu danom objavljivanja u „Službenom glasniku Općine Breza“.

Broj: 01/1-02-1898/22
Breza, 14.07.2022. godine

PREDSJEDAVAJUĆI
Općinskog vijeća
Anel Rihčić, s.r.

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Na osnovu člana 13. stav 2. alineja 18. Zakona o principima lokalne samouprave u Federaciji BiH („Službene novine FBiH“, broj 49/06 i 51/09) i člana 20. stav 1. tačka 2. Statuta Općine Breza („Službeni glasnik Općine Breza“, broj 7/21), Općinsko vijeće Breza na dvadesetoj redovnoj sjednici, održanoj dana 14.07.2022. godine, donosi

O D L U K U**o organizaciji privredne, kulturne, sportske i zabavne manifestacije na području općine Breza 2022. godine****Član 1.**

Privredna, kulturna, sportska i zabavna manifestacija (u daljem tekstu: manifestacija) organizovat će se u periodu od 13.08.2022. do 20.08.2022. godine, na lokaciji - ulica Alije Izetbegovića.

Član 2.

Za organizaciju manifestacije zadužuje se JP „Komunalno“ d.o.o. Breza.

Član 3.

Program održavanja manifestacije sačinjit će Organizacioni odbor, imenovan Rješenjem Općinskog načelnika broj: 01/2-04-1895/22 od 23.06.2022. godine. Na program iz prethodnog stava saglasnost daje Općinski načelnik.

Član 4.

Po okončanju manifestacije, JP „Komunalno“ d.o.o. Breza se obavezuje da Općinskom vijeću Breza podnese finansijski izvještaj o ostvarenim prihodima i rashodima na prvoj narednoj sjednici Općinskog vijeća.

Član 5.

Za nadzor nad održavanjem manifestacije zadužuje se JP „Komunalno“ d.o.o. Breza i Služba za finansije, inspeksijske poslove i opću upravu Općine Breza - Sanitarno - komunalni inspektor.

Član 6.

Ova Odluka stupa na snagu danom objavljivanja u „Službenom glasniku Općine Breza“.

Broj: 01/1-02-2138/22
Breza, 14.07.2022. godine

PREDJEDAVAJUĆI
Općinskog vijeća
Anel Rihčić, s.r.

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Na osnovu člana 13. stav 2. alineja 18. Zakona o principima lokalne samouprave u Federaciji Bosne i Hercegovine („Službene novine FBiH“ broj: 49/06 i 51/09) i člana 106. stav 3. Statuta Općine Breza („Službeni glasnik Općine Breza“, broj: 7/21), Općinsko vijeće Breza na dvadesetoj redovnoj sjednici održanoj dana 14.07.2022. godine, d o n o s i

O D L U K U
o prihvatanju poklona

Član 1.

Prihvata se poklon poklonodavca „BOSNA U OČIMA GULFA“ d.o.o. Sarajevo, sa sjedištem u ulici Butmirska cesta 18, 71210 Ilidža, koji se sastoji od:

1. Klima uređaja GREE AZURI NORA PREMIUM 09INV(Qg-2,8 kw) sa ugradnjom 16 komada,
2. Klima uređaja GREE AZURI NORA PREMIUM 12INV(Qg-3,4 kw) sa ugradnjom 5 komada,

Član 2.

Klima uređaji iz člana 1. ove Odluke ugradit će se na objekat Općine Breza u postupku realizacije projekta toplifikacije upravne zgrade Općine Breza.

Član 3.

Vrijednost opreme iz člana 1. ove Odluke je 28.598,88 KM.

Član 4.

Zadužuje se nadležna služba Općine Breza da poklonjenu opremu uknjiži kao vlastitu imovinu Općine Breza

Član 5.

Ova odluka stupa na snagu danom objavljivanja u Službenom glasniku Općine Breza

Broj: 01/1-02-1896/22
Breza, 14.07.2022. godine

PREDSJEDAVAJUĆI
Općinskog vijeća
Anel Rihic, s.r.

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Na osnovu člana 13. stav 2. alineja 9. Zakona o principima lokalne samouprave u FBiH („Službene novine FBiH, broj: 49/06 i 51/09), člana 20. stav 1. tačka 11. Statuta općine Breza („Službeni glasnik općine Breza“,7/21), a u vezi Sporazuma između Razvojnog programa Ujedinjenih naroda i Općine Breza, broj: 01/2-04-86-2/22 od 10.06.2022. godine, Općinsko vijeće Breza na dvadesetoj redovnoj sjednici održanoj dana 14.07.2022. godine., d o n o s i

ODLUKU
o usvajanju
„VIZIJE RAZVOJA MJESNIH ZAJEDNICA U OPĆINI BREZA“

Član 1.

Usvaja se “Vizija razvoja mjesnih zajednica u Općini Breza”, kao dokument kojim su definisani principi i modeli rada mjesnih zajednica, sa ciljem veće odgovornosti mjesne zajednice prema građanima, uključenosti svih građana u rad mjesnih zajednica, otvorenosti i dostupnosti informacija o radu mjesnih zajednica, te demokratsko odlučivanje i participativnost, u sklopu projekta „Jačanje uloge mjesnih zajednica u Bosni i Hercegovini“.

Član 2.

“Vizija razvoja mjesnih zajednica u Općini Breza” čini sastavni dio ove Odluke.

Član 3.

Daje se ovlaštenje Općinskom načelniku da imenuje Radnu grupu koja će učestvovati u izradi Operativnog plana za implementaciju Vizije za period 2023 - 2025. godina.

Rok za izradu Operativnog plana je 90 dana od dana usvajanja Vizije mjesnih zajednica.

Općinski načelnik će jednom godišnje informirati Općinsko vijeće o stepenu implementacije postavljenih mjera i aktivnosti, te predlagati izmjene i dopune.

Član 4.

Ova Odluka stupa na snagu danom objavljivanja u „Službenom glasniku Općine Breza“.

Broj: 01/1-02-1926/22
Breza: 14.07.2022. godine

PREDSJEDAVALAČ
Općinskog vijeća
Anel Rihčić, s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinski načelnik



Bosnia and Herzegovina
Federation of Bosnia and Herzegovina
Zenica-Doboj canton
MUNICIPALITY OF BREZA
Municipal Mayor

Polazeći od činjenice da je lokalna samouprava jedan od temelja ustavnog uređenja te da je mjesna zajednica obavezan oblik mjesne samouprave putem kojeg građani i građanke odlučuju i učestvuju u poslovima značajnim za život i rad na području mjesne zajednice,

Uzimajući u obzir opredjeljenje za razvoj lokalne demokratije u skladu sa principima Evropske povelje o lokalnoj samoupravi,

Svjesni potrebe da se učešće građana i građanki u donošenju odluka na lokalnom nivou treba poboljšati i da ga je na najbolji način moguće ostvariti kroz mjesnu samoupravu, te saradnju mjesne zajednice i organa jedinice lokalne samouprave,

U želji da se građanima i građankama olakša pristup javnim uslugama te da se osigura lokalni razvoj po mjeri svakog građanina uz premisu da „niko ne smije biti isključen“,

Shodno odredbama Zakona o principima lokalne samouprave u Federaciji BiH i Statuta Općine Breza, Općinsko vijeće Breza na dvadesetoj redovnoj sjednici održanoj dana 14.07.2022. godine., d o n o s i

VIZIJU RAZVOJA MJESNIH ZAJEDNICA U OPĆINI BREZA

1. Vizija razvoja mjesnih zajednica u Općini Breza temelji se na slijedećim principima:

- **Reprezentativnosti** – kao principa koji podrazumijeva da u izboru organa mjesnih zajednica treba obezbijediti učešće što većeg broja različitih kategorija stanovništva kako bi se postigla njihova proporcionalnost zastupanja i rada, naročito vodeći računa o mladima, ženama i socijalno isključenim kategorijama.
- **Odgovornosti** – kao principa koji podrazumijeva da mjesna zajednica mora biti odgovorna prema svojim građanima, ali i prema lokalnim vlastima. Legitimno izabrani predstavnici mjesnih zajednica trebaju odgovorno vršiti funkcije koje su im dodijeljene.
- **Inkluzivnosti** – kao principa kojim se podstiče uključenost svih građana u rad i aktivnosti mjesnih zajednica, naročito žena, mladih i socijalno isključenih grupa.
- **Koordinacije** – kao principa koji podrazumijeva unapređenje koordinacije, komunikacije i međusobne saradnje između mjesnih zajednica i organa lokalne vlasti kao i između mjesnih zajednica i građana i ostalih aktera od značaja za razvoj mjesne zajednice kao što su organizacije civilnog društva, komunalna preduzeća, lokalne javne institucije, ne ograničavajući se na navedeno.
- **Transparentnosti** – kao principa koji podrazumijeva otvorenost za javnost i dostupnost informacija vezanih za rad mjesnih zajednica uključujući i informacije o načinu i izvorima finansiranja mjesnih zajednica.
- **Profesionalizacije i osposobljenosti predstavnika mjesnih zajednica** – kao principa koji podrazumijeva povećanje nivoa profesionalizacije i osposobljenosti predstavnika mjesnih zajednica kroz kontinuiranu edukaciju i obuku, te

osiguravanje prenosa stečenog znanja i iskustava na sve buduće predstavnike mjesnih zajednica.

- **Nezavisnosti i depolitizacije** – kao principa kojim se nastoji omogućiti nezavisno i depolitizovano funkcionisanje mjesnih zajednica, kao predstavnika zajednice i građana i građanki u poslovnima zastupanja njihovih interesa kroz nezavisno donošenje odluka u skladu sa zakonom i statutom.
- **Demokratskog odlučivanja i participativnosti** – kao principa koji će osigurati demokratsko pravo na učešće u odlučivanju kao i pravo da građani i građanke imaju pravo da biraju i budu birani na pozicije koje obavljaju u strukturama uspostavljenih tijela mjesne zajednice.

2. Vizija razvoja mjesnih zajednica u općini Breza sprovodiće se kroz četiri sljedeća modela mjesnih zajednica:

- ❖ Mjesna zajednica kao prostor za zagovaranje i pristup upravi;
- ❖ Mjesna zajednica kao mjesto za pružanje usluga stanovništvu;
- ❖ Mjesna zajednica kao prostor za učešće građana u odlučivanju;
- ❖ Mjesna zajednica kao društveni centar.

1. Vizija razvoja mjesnih zajednica kroz model **Mjesna zajednica kao prostor za zagovaranje i pristup upravi** sprovodiće se kroz sljedeće identifikovane funkcionalne oblasti:

- Sistemsko i institucionalizovano uređenje efikasne komunikacije između općinskih organa, općinskih službi i mjesnih zajednica;
- Unaprijeđenje procedura finansiranja rada i funkcionisanja mjesnih zajednica uzimajući u obzir princip ravnomyjernog razvoja cjelokupne teritorije općine;
- Redovno uključivanje organa i građana mjesnih zajednica u proces izrade i usvajanja programa kapitalnih investicija, općinskog budžeta, strateških planova razvoja, kao i u drugih dokumenata od značaja i interesa za građane u mjesnim zajednicama;
- Podizanje svijesti o potrebi većeg učešće žena u strukturama organa mjesnih zajednica, kao i akcijama koje mjesna zajednica vodi u svrhu osiguravanja kvalitetnijeg života za sve na području mjesne zajednice.

2. Vizija razvoja mjesnih zajednica kroz model **Mjesna zajednica kao mjesto za pružanje usluga stanovništvu** sprovodiće se kroz sljedeće identifikovane funkcionalne oblasti:

- Obezbjedivanje osnovnih preduslova za kvalitetniji rad svih mjesnih zajednica (obezbjedjenje, opremanje i rekonstrukcija prostorija, formalizacija uslova i načina korištenja prostora, programi obuka za osobe zadužene za rad mjesne zajednice, i dr.);

- Određivanje svih usluga koje organi mjesne zajednice mogu da pruže građanima, sa jasno definisnim uslovima pod kojim posebne vrste usluga mogu biti pružene;
 - Pružanje redovnih i pravovremenih informacija vezanih za usluge i ostale aktivnosti mjesnih zajednica putem svih raspoloživih oblika komunikacije;
 - Unaprjeđenje i formalizacija saradnje između, javnih preduzeća, nadležnih službi Općine i mjesnih zajednica kako bi se unaprijedile odgovarajuće komunalne usluge građanima.
3. Vizija razvoja mjesnih zajednica kroz model **Mjesna zajednica kao društveni centar** sprovodiće se kroz slijedeće identifikovane funkcionalne oblasti:
- Obezbjedivanje i formalno pravno uređenje korištenja prostorija mjesne zajednice kao društvenog centra, centra kulture i sporta, i uloge volontera u društvenim, sportskim i kulturnim dešavanjima;
 - Popularizacija sportskih, kulturnih i rekreativnih sadržaja koji se odvijaju u mjesnoj zajednici kao mjestu za okupljanje svih građana;
 - Podrška saradnji mjesnih zajednica sa udruženjima i neformalnim grupama žena i mladih, sportskim klubovima, te kulturno-umjerničkim društvima kako bi poboljšali sadržaje, usluge i aktivnosti u mjesnim zajednicama i na taj način animirali građane za aktivnije učešće u radu mjesnih zajednica.
4. Vizija razvoja mjesnih zajednica kroz model **Mjesna zajednica kao prostor za učešće građana** sprovodiće se kroz sledeće identifikovane funkcionalne oblasti:
- Promovisanje i upoznavanje građana sa postojećim mehanizmima za učešće građana u donošenju odluka i oblicima građanskog učešća u poslovima mjesne samouprave;
 - Obezbjedivanje materijalne i stručne podrške rada organa mjesnih zajednica, kako bi se postigao njihov veći angažman, a posljedično i veće učešće građana u živou i radu mjesne zajednice.
 - Afirmisanje djelovanja foruma građana kao oblika demokratskog odlučivanja, promocijom sadržaja koji prate organizaciju i ishode foruma;
 - Uspostavljanje učinkovitije komunikacije i većeg stepena informisanosti građana o pitanjima važnim za građansko učešće u donošenju odluka.
3. Daje se ovlaštenje Općinskom načelniku da imenuje Radnu grupu koja će učestvovati u izradi Operativnog plana za implementaciju Vizije za period 2023 - 2025. godina.

Operativni plan mora da odredi vremenske rokove za implementaciju svih mjera i aktivnosti koje su identifikovane operativnim planom, neophodna finansijska sredstva, odgovorne službe za njihovu implementaciju, načine mjerenja učinka i nadzora nad implementacijom plana, kao i dinamiku izvještavanja Općinskog vijeća, minimalno na godišnjoj osnovi. Rok za izradu Operativnog plana je 90 dana od dana usvajanja Vizije mjesnih zajednica.

4. Kroz izradu operativnog plana naročito je važno da se osigura identifikacija i uključivanje mjera i aktivnosti koji će rezultirati sa što većim uključivanjem različitih kategorija stanovništva u organe mjesnih zajednica čime bi se osigurala reprezentativnost i njihova proporcionalnost zastupanja i rada, a naročito vodeći računa o zastupljenosti žena i mladih.
-
-

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Na osnovu člana 13. stav 2. alineja 5. Zakona o principima lokalne samouprave („Službene novine Federacije BiH“, broj: 49/06 i 51/09), člana 19. stav 1. alineja 5. Odluke o dodjeli u zakup poslovnih zgrada i prostorija na kojima pravo raspolaganja ima Općina Breza („Službeni glasnik Općine Breza“, broj: 3/17 i 10/21), člana 20. stav 1. tačka 7. i člana 106. stav 3. Statuta Općine Breza ("Službeni glasnik Općine Breza", broj: 7/21), Općinsko vijeće Breza na dvadesetoj redovnoj sjednici održanoj dana 14.07.2022. godine, donosi

O D L U K U

o dodjeli u zakup poslovnih prostorija u zgradi „Radnički dom“ u Brezi

Član 1.

Općina Breza (u daljem tekstu zakupodavac), kao nosilac prava raspolaganja zgrade „Radnički dom“, dodjeljuje u zakup poslovne prostorije u sklopu navedene zgrade, Udruženju građana OK „Breza 1934“ (u daljem tekstu zakupac), u ukupnoj površini od 40,50 m².

Član 2.

Poslovne prostorije iz člana 1. ove Odluke, dodjeljuju se u zakup Udruženju građana OK „Breza 1934“, na period od 12 (dvanaest) mjeseci, počev od dana zaključenja Ugovora o zakupu poslovnih prostorija.

Član 3.

Zakupac je obavezan zakupodavcu platiti zakupninu u iznosu od 1,00 KM/m² mjesečno za korištenje prostorija iz člana 1. ove Odluke.

Član 4.

Daje se ovlaštenje Općinskom načelniku da sa zakupcem zaključi Ugovor o zakupu poslovnih prostorija, kojim će se na detaljniji način regulisati prava i obaveze ugovornih strana.

Član 5.

Ova Odluka stupa na snagu danom objavljivanja u "Službenom glasniku Općine Breza".

Broj:01/1-02-1885/22
Breza, 14.07.2022. godine

PREDSJEDAVAJUĆI
Općinskog vijeća
Anel Rihic, s.r.

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Na osnovu člana 13. stav 2. alineja 5. Zakona o principima lokalne samouprave („Službene novine Federacije BiH“, broj: 49/06 i 51/09), člana 19. stav 1. alineja 3. Odluke o dodjeli u zakup poslovnih zgrada i prostorija na kojima pravo raspolaganja ima Općina Breza („Službeni glasnik Općine Breza“, broj: 3/17 i 10/21), člana 20. stav 1. tačka 7. i člana 106. stav 3. Statuta Općine Breza ("Službeni glasnik Općine Breza", broj: 7/21), Općinsko vijeće Breza na dvadesetoj redovnoj sjednici održanoj dana 14.07.2022. godine, donosi

ODLUKU**o dodjeli u zakup poslovnih prostorija u zgradi „Radnički dom“ u Brezi****Član 1.**

Općina Breza (u daljem tekstu zakupodavac), kao nosilac prava raspolaganja zgrade „Radnički dom“ u Brezi, dodjeljuje u zakup poslovne prostorije u sklopu navedene zgrade, političkoj stranci Stranka demokratske aktivnosti OO A-SDA Breza (u daljem tekstu zakupac), u ukupnoj površini od 17,00 m².

Član 2.

Poslovne prostorije iz člana 1. ove Odluke, dodjeljuju se u zakup političkoj stranci Stranka demokratske akcije OO A-SDA Breza, na period od 12 (dvanaest) mjeseci, počev od dana zaključenja Ugovora o zakupu poslovnih prostorija.

Član 3.

Zakupac je obavezan zakupodavcu platiti zakupninu u iznosu od 1,00 KM/m² mjesečno za korištenje prostorije iz člana 1. ove Odluke.

Član 4.

Daje se ovlaštenje Općinskom načelniku da sa zakupcem zaključi Ugovor o zakupu poslovnih prostorija, kojim će se na detaljniji način regulisati prava i obaveze ugovornih strana.

Član 5.

Ova Odluka stupa na snagu danom objavljivanja u "Službenom glasniku Općine Breza".

Broj: 01/1-02-1886/22
Breza, 14.07.2022. godine

PREDSJEDAVAJUĆI
Općinskog vijeća
Anel Rihčić, s.r.

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Na osnovu člana 13. stav 2. alineja 18. Zakona o principima lokalne samouprave u Federaciji Bosne i Hercegovine („Službene novine FBiH“ broj: 49/06 i 51/09) i člana 20. stav 1. tačka 2. Statuta Općine Breza („Službeni glasnik Općine Breza“, broj: 7/21) i člana 43. Odluke o izvršavanju Budžeta Općine Breza za 2022. godinu (Službeni glasnik Općine Breza“, broj: 13/21), Općinsko vijeće Breza na dvadesetoj redovnoj sjednici, održanoj dana 14.07.2022. godine, d o n o s i

P R O G R A M

**UTROŠKA SREDSTAVA UTVRĐENIH BUDŽETOM OPĆINE BREZA ZA 2022.
GODINU SA KRITERIJIMA RASPODJELE
SUBVENCije ZA RAZVOJ PODUZETNIŠTVA I OBRTA-KONTO 614510**

Podaci o Programu:

Program utroška sredstava iz Budžeta Općine Breza Subvencije za razvoj poduzetništva i obrta za 2022. godinu sa kriterijima raspodjele temelji se na planiranim sredstvima za ovu namjenu u Budžetu Općine Breza za 2022. godinu sa pozicije:

Subvencije za razvoj poduzetništva i obrta

- Sufinansiranje redovnih troškova;
- Podrška novootvorenim obrtima.

Period za koji se donosi Program	2022. godina
Period realizacije Programa	2022. godina
Krajnji rok realizacije Programa	31.12.2022. godine
Ukupna vrijednost Programa:	
1. Subvencije za razvoj poduzetništva i obrta:	40 000,00 KM
- Sufinansiranje redovnih troškova	30 000,00 KM
- Podrška novootvorenim obrtima	10 000,00 KM

I - UVOD:

Programom utroška sredstava iz Budžeta Općine Breza namijenjenim za subvencije za razvoj poduzetništva i obrta za 2022. godinu, Općina Breza nastoji ublažiti negativne efekte koji su nastali kao posljedica dešavanja u svijetu u tekućoj i prethodne dvije godine te stvoriti povoljnije uslove za održavanje proizvodnih/uslužnih aktivnosti privrednih subjekata na postojećem nivou i povećanje broja zaposlenih kroz zapošljavanje i samozapošljavanje.

Pri izradi Programa za 2022. godinu uvažavali su se slijedeći parametri:

- resursne mogućnosti općine Breza;
- kontinuitet podsticajnih mjera i iskustva u realizaciji novčanih podrški podsticajnih mjera prethodnih godina;
- strategija razvoja Općine Breza;
- programske obaveze Općinskog načelnika;
- analiza realizacije Programa novčanih podrški i efekata dosadašnjih programa poticajnih mjera;
- prijedlozi i sugestije udruženja poslodavaca Općine Breza;
- visina sredstava koja su predviđena Budžetom Općine Breza;
- ostale odrednice.

Na osnovu svih, u uvodu navedenih parametara, sačinjen je Program utroška sredstava utvrđenih Budžetom Općine Breza za 2022. godinu sa kriterijima raspodjele Subvencije za razvoj poduzetništva i obrta-konto 614510.

II - NAČIN OSTVARIVANJA SUBVENCIJE

Subvencije za razvoj poduzetništva i obrta mogu ostvariti poduzetnici i obrtnici koji ispunjavaju uslove propisane ovim Programom.

Oglašavanje Programa izvršit će se javnim pozivom putem lokalnih medija, udruženja poslodavaca, oglasne table Općine Breza i Općinske web stranice.

Klijenti podnose zahtjev sa propisanom dokumentacijom nadležnoj Općinskoj službi, putem šalter sale za usluge građanima ili putem pošte, sa upisanom adresom OPĆINA BREZA - Komisija za realizaciju Programa utroška sredstava subvencije za razvoj poduzetništva i obrta, Ul. Bogumilska br. 1, 71370 Breza.

Zaprimljeni zahtjevi bit će proslijeđeni komisiji za realizaciju Programa na dalje postupanje čiji je zadatak da ispita formalno - pravnu ispravnost zahtjeva (opravdanost, potpunost i blagovremenost) i eventualno zatraži dopunu zahtjeva. Na osnovu zahtjeva koji budu ispunjavali formalno-pravne uslove komisija će izvršiti obračun subvencije, pripremiti preliminarnu listu korisnika, nakon čega će se donijeti konačna lista na osnovu koje će Općinski načelnik donijeti odluku o isplati sredstava na ime subvencioniranja doprinosa.

Komisiju za realizaciju Programa rješenjem će imenovati Općinski načelnik.

III KORISNICI PROGRAMA

Korisnici Programom planiranih sredstava su poduzetnici i obrtnici sa sjedištem na području Općine Breza i čija djelatnost poslovanja je vezana za:

- trgovinske radnje do devet uposlenih, trgovci pojedinci;
- obrtnici (frizerski saloni, obrađivači metala do pet uposlenih-bez primarne proizvodnje, prevoznici, obrti registrovani za turističku djelatnost);
- ugostiteljske radnje (slastičarne, kafići, buregdžinice, i sl.),
- društva ograničene odgovornosti do pet uposlenih.

IV NAMJENA FINANSIJSKIH SREDSTAVA:**1. Sufinansiranje redovnih troškova**

Financijska sredstva koja su planirana Programom za sufinansiranje redovnih troškova postojećih poduzetnika i obrtnika, namijenjena su za subvencioniranje doprinosa iz osnovice (na teret osiguranika) i to doprinosa za penzijsko i invalidsko osiguranje, doprinosa za zdravstveno osiguranje i doprinosa za osiguranje od nezaposlenosti za jedan mjesec jednog uposlenika, korisnika Programa.

Ukoliko korisnik Programa nema uposlenika i sam obavlja djelatnost, visina subvencije će se obračunati u visini subvencije koja bude preovladavala za uposlenike ostalih korisnika Programa.

2. Podrška novootvorenim obrtima

Financijska sredstva koja su planirana Programom kao podrška novootvorenim obrtima, namijenjena su za subvencioniranje doprinosa iz osnovice (na teret osiguranika) i to doprinosa za penzijsko i invalidsko osiguranje, doprinosa za zdravstveno osiguranje i doprinosa za osiguranje od nezaposlenosti za obrtnike koji su u periodu od 01.01.2022. godine do 30.06.2022. godine registrovali obrt, a prije toga su bili u evidenciji nezaposlenih lica Zavoda za zapošljavanje Općine Breza.

Doprinosi za novootvorene obrte će se subvencionirati tri mjeseca od dana obrade zahtjeva i donošenja konačne liste korisnika.

V POTREBNA DOKUMENTACIJA:

Uz zahtjev za odobravanje sredstava, korisnik Programa je obavezan dostaviti sljedeću dokumentaciju:

- Ovjerenu kopiju rješenja o registraciji djelatnosti;
- Identifikacioni broj;
- Specifikaciju uz uplatu doprinosa poduzetnika sa prebivalištem u Federaciji BiH (obrazac 2002 za vlasnika ili obrazac 2001 za zaposlenika) za mjesec juni 2022. godine, odnosno za period naveden u poglavlju IV tačka 2. za novootvorene obrte;
- Broj žiro računa otvoren u poslovnoj banci na koji će biti doznačena sredstva.

Po stupanju na snagu Programa Općinski načelnik će imenovati komisiju za realizaciju Programa. Izvještaj o realizaciji Programa sa prijedlogom utroška eventualno preostalih sredstava podnijet će se Općinskom vijeću Breza najdalje 30 dana od dana donošenja konačne liste korisnika i odluke o isplati sredstava korisnicima

Program stupa na snagu danom donošenja i isti će biti objavljen u „Službenom glasniku Općine Breza“.

Broj: 01/1-02-1911/22
Breza, 14.07.2022. godine

PREDSJEDAVAJUĆI
Općinskog vijeća
Anel Rihčić, s.r.

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Broj: 01/1-02-1901/22
Breza, 15.07.2022. godine

Na osnovu člana 20. stav 1. tačka 31. Statuta Općine Breza ("Službeni glasnik Općine Breza", broj: 7/21), člana 21. Statuta Javnog preduzeća „Veterinarska stanica“ d.o.o. Breza, broj: 02/2-6-S-3/17 od 06.10.2017. godine, a u vezi sa članom 9. Odluke o usklađivanju osnivačkog akta Javnog preduzeća „Veterinarska stanica“ d.o.o. Breza („Službeni glasnik Općine Breza“, broj: 08/17) Općinsko vijeće Breza, na dvadesestoj redovnoj sjednici održanoj dana 14.07.2022. godine, donosi:

ZAKLJUČAK

o razmatranju i zauzimanju stava po dnevnom redu 5. redovne sjednice Skupštine JP „Veterinarska stanica“ d.o.o. Breza i imenovanju punomoćnika

I

Razmatrajući Dnevni red 5. redovne sjednice Skupštine JP „Veterinarska stanica“ d.o.o. Breza Općinsko vijeće Breza kao osnivač zauzima sljedeći stav:

1. Ovlašteni punomoćnik Skupštine preduzeća će glasati ZA Izvještaj o radu JP „Veterinarska stanica“ d.o.o. Breza za 2021. godinu;
2. Ovlašteni punomoćnik će glasati ZA Prijedlog Ugovora o angažmanu predsjednika Nadzornog odbora JP „Veterinarska stanica“ d.o.o. Breza;
3. Ovlašteni punomoćnik će glasati ZA Prijedlog Ugovora o angažmanu članova Nadzornog odbora JP „Veterinarska stanica“ d.o.o. Breza.

Kao Punomoćnik državnog kapitala koji će predsjedavati 5. redovnom sjednicom JP „Veterinarska stanica“ d.o.o. Breza koja će se održati dana 12.07.2022. godine, na prijedlog Općinskog načelnika imenuje se Operta Almin.

II

Zaključak će se objaviti u „Službenom glasniku Općine Breza“.

Dostavljeno:

1x JP „Veterinarska stanica“ d.o.o. Breza
1x Ovlašteni punomoćnik
1x Služba za privredu
1x 01/1
1x a/a

PREDSJEDAVAJUĆI
Općinskog vijeća
Anel Rihčić, s.r.

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Broj: 01/1-02-1941/22

Datum: 18.07.2022. godine

Na osnovu člana 121. stav 3. Statuta Općine Breza („Službeni glasnik Općine Breza“, broj: 7/21) prilikom razmatranja Informacije o aktuelnom i zatečenom stanju na dan 01.04.2022. godine u JP „Komunalno“ d.o.o. Breza, Općinsko vijeće Breza na dvadesetoj redovnoj sjednici održanoj dana 14.07.2022.godine, donosi:

ZAKLJUČAK

I

DA SE uradi sistematizacija i reorganizacija radnih mjesta shodno stvarnim potrebama za normalan rad u JP „Komunalno“ d.o.o. Breza.

II

DAJE SE saglasnost da se otpočnu aktivnosti na potpisivanju novog sporazuma sa Poreznom upravom FBiH u cilju rješavanja neuplaćenih doprinosa i obaveza za plate.

III

DAJE SE saglasnost nadzornom odboru da u skaldu sa kretanjima na tržištu definiše cijene pratećih komunalnih usluga (radna vozila, radne mašine, radna snaga, usluge po osnovu izdavanja saglasnosti, istresanje otpada na deponije i izvršavanje usluga prema trećim licima (košenje trave, održavanje zelenih površina i dr.,...)).

IV

DA SE predlože nove cijene usluga naknada za priključke na vodovodnu i kanalizacionu mrežu, naknada za održavanje vodomjernog mjesta i cijene proizvodnje vode po m³ sa obrazloženjem.

V

ZADUŽUJU SE uprava i nadzorni odbor preduzeća JP „Komunalno“ d.o.o. Breza za realizaciju zaključka.

VI

DA SE Općinsko vijeće redovno informiše o realizaciji Zaključka, rok realizacije je 90 dana od dana objavljivanja Zaključka u „Službenom glasniku Općine Breza“.

VII

Zaključak stupa na snagu danom objavljivanja u „Službenom glasniku Općine Breza“.

Dostavljeno:

1x JP „Komunalno“ d.o.o. Breza

1x Predsjednik nadzornog odbora JP „Komunalno“

1x Služba za privredu

1x 01/1

1x a/a

PREDSJEDAVAJUĆI

Općinskog vijeća

Anel Rihčić, s.r.

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Broj: 01/1-02-1941-1/22

Datum: 18.07.2022. godine

Na osnovu člana 121. stav 3. Statuta Općine Breza („Službeni glasnik Općine Breza“, broj: 7/21) prilikom razmatranja pregleda obaveza preduzeća i pregled imovine preduzeća kao i Informacije o izvršenoj preliminarnoj reviziji finansijskih izvještaja za 2021. godinu, u JP „Komunalno“ d.o.o. Breza, Općinsko vijeće Breza na dvadesetoj redovnoj sjednici održanoj dana 14.07.2022.godine, donosi:

ZAKLJUČAK**I**

DA SE donese plan korektivnih aktivnosti sa rokom realizacije i rješavanja nedostataka po pitanju mišljenja ovlaštenog neovisnog revizora.

II

DAJE SE saglasnost za upošljavanje certificiranog računovođu za potrebe vođenja poslovnih knjiga u cilju poštivanja zakonskih propisa i međunarodnih računovodstvenih standarda.

III

DA SE upoznaju nadležne institucije o dostavljenim izvještajima o reviziji finansijskih izvještaja za JP „Komunalno“ d.o.o. Breza za protekli period od pet godina.

IV

ZADUŽUJU SE uprava i nadzorni odbor preduzeća JP „Komunalno“ d.o.o. Breza za realizaciju zaključka.

V

Rok realizacije Zaključka je 90 dana od dana objavljivanja u „Službenom glasniku Općine Breza“.

VI

Zaključak stupa na snagu danom objavljivanja u „Službenom glasniku Općine Breza“.

Dostavljeno:

1x JP „Komunalno“ d.o.o. Breza
1x Predsjednik nadzornog odbora JP „Komunalno“
1x Služba za privredu
1x 01/1
1x a/a

PREDSJEDAVAJUĆI
Općinskog vijeća
Anel Rihčić, s.r.

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Broj: 01/1-02-1941-2/22
Datum: 18.07.2022. godine

Na osnovu člana 121. stav 3. Statuta Općine Breza („Službeni glasnik Općine Breza“, broj: 7/21) prilikom razmatranja Informacije o cijenama komunalnih usluga u JP „Komunalno“ d.o.o. Breza, Općinsko vijeće Breza na dvadesetoj redovnoj sjednici održanoj dana 14.07.2022.godine, donosi:

ZAKLJUČAK**I**

DA SE donese nova odluka o cijenama komunalnih usluga na bazi kalkulacija cijene usluge sakupljanja i odvoza komunalnog otpada sa područja Općine Breza.

II

ZADUŽUJU SE uprava i nadzorni odbor preduzeća JP „Komunalno“ d.o.o. Breza za realizaciju zaključka.

III

Rok realizacije Zaključka je 90 dana od dana objavljivanja u „Službenom glasniku Općine Breza“.

IV

Zaključak stupa na snagu danom objavljivanja u „Službenom glasniku Općine Breza“.

Dostavljeno:

1x JP „Komunalno“ d.o.o. Breza

1x Predsjednik nadzornog odbora JP „Komunalno“

1x Služba za privredu

1x 01/1

1x a/a

PREDSJEDAVAJUĆI

Općinskog vijeća

Anel Rihčić, s.r.

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Broj: 01/1-02-1941-3/22

Datum: 18.07.2022. godine

Na osnovu člana 121. stav 3. Statuta Općine Breza („Službeni glasnik Općine Breza“, broj: 7/21) prilikom razmatranja Informacije odvoza luga i pepela u zimskom periodu od strane JP „Komunalno“ d.o.o. Breza, Općinsko vijeće Breza na dvadesetoj redovnoj sjednici održanoj dana 14.07.2022.godine, donosi:

ZAKLJUČAK**I**

DA SE u narednom periodu strateški riješi pitanje reciklažnog dvorišta/pretovarne stanice sa ciljem zaštite životne sredine i smanjenje troškova deponovanja otpada sa područja Općine Breza.

II

DA SE izradi plan upravljanja otpadom na području Općine Breza za narednih 20 godina sa jasnim i preciznim ciljevima i koracima.

III

DA SE sačini prijedlog zbrinjavanje i odvoz luga i pepela u zimskom periodu i da se sa korisnicima koji žele tu uslugu reguliše odnos i definiše cijena za odvoz istog prije sezone 2022/2023 (najkasnije do 31.10.2022. godine). Prilikom izrade prijedloga potrebno je uključiti predsjednike mjesnih zajednica Općine Breza.

IV

ZADUŽUJU SE uprava i nadzorni odbor preduzeća JP „Komunalno“ d.o.o. Breza za realizaciju zaključka.

V

Rok realizacije Zaključka je 90 dana od dana objavljivanja u „Službenom glasniku Općine Breza“.

VI

Zaključak stupa na snagu danom objavljivanja u „Službenom glasniku Općine Breza“.

Dostavljeno:

1x JP „Komunalno“ d.o.o. Breza

1x Predsjednik nadzornog odbora JP „Komunalno“

1x Služba za privredu

1x 01/1

1x a/a

PREDSJEDAVAJUĆI

Općinskog vijeća

Anel Rihčić, s.r.

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Broj: 01/1-02-1941-4/22

Datum: 18.07.2022. godine

Na osnovu člana 121. stav 3. Statuta Općine Breza („Službeni glasnik Općine Breza“, broj: 7/21) prilikom razmatranja Informacije o strateškim izazovima i ciljevima JP „Komunalno“ d.o.o. Breza za naredni period, Općinsko vijeće Breza na dvadesetoj redovnoj sjednici održanoj dana 14.07.2022.godine, donosi:

ZAKLJUČAK**I**

DA SE izradi plan i program poslovanja u cilju poboljšanja davanja usluga iz nadležnosti JP „Komunalno“ d.o.o. Breza.

II

ZADUŽUJU SE uprava i nadzorni odbor preduzeća JP „Komunalno“ d.o.o. Breza za realizaciju zaključka.

III

Rok realizacije Zaključka je 90 dana od dana objavljivanja u „Službenom glasniku Općine Breza“.

IV

Zaključak stupa na snagu danom objavljivanja u „Službenom glasniku Općine Breza“.

Dostavljeno:

1x JP „Komunalno“ d.o.o. Breza

1x Predsjednik nadzornog odbora JP „Komunalno“

1x Služba za privredu

1x 01/1

1x a/a

PREDSJEDAVAJUĆI

Općinskog vijeća

Anel Rihčić, s.r.

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Broj: 01/1-02-2139/22

Datum: 18.07.2022. godine

Na osnovu člana 121. stav 3. Statuta Općine Breza („Službeni glasnik Općine Breza“, broj: 7/21) prilikom razmatranja Odluke o naknadama za zauzimanje javne površine u toku trajanja privredne, kulturne, sportske i zabavne manifestacije, Općinsko vijeće Breza na dvadesetoj redovnoj sjednici održanoj dana 14.07.2022.godine, donosi:

ZAKLJUČAK**I**

ZADUŽUJE SE Općinski načelnik da u kordinaciji sa predstavnicima JP „Komunalno“ d.o.o. Breza utvrdi cijenu zauzimanja javnih površina za vrijeme održavanja privredne, kulturne, sportske i zabavne manifestacije na području Općine Breza 2022. godine.

II

Zaključak stupa na snagu danom objavljivanja u „Službenom glasniku Općine Breza“.

Dostavljeno:

1x Općinski načelnik
1x JP „Komunalno“ d.o.o. Breza
1x Služb za prostorno uređenje
1x Služba za privredu
1x 01/1
1x a/a

PREDSJEDAVAJUĆI
Općinskog vijeća
Anel Rihčić, s.r.

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinski načelnik

Broj:01/2-11-1693/22
Datum:14.06.2022 godine

Na osnovu člana 59. Zakona o budžetima - proračunima u Federaciji BiH ("Sl.novine FBiH" broj: 102/13,9/14,13/14,8/15,91/15,102/15,104/165/18,11/19 i 99/19), člana 39. Statuta Općine Breza (Sl. Glasnik općine Breza broj 7/21) i člana 24. Odluke o izvršavanju Budžeta općine Breza za 2022 godinu (Službeni glasnik općine Breza br. 13/21) Općinski načelnik donosi:

ODLUKA**O PRERASPODJELI SREDSTAVA PLANIRANIH NA BUDŽETSKIM STAVKAMA
ZA 2022 GODINU****Član 1.**

Ovom Odlukom uređuje se obim i struktura sredstava koja su predmet preraspodjele.

Član 2.

Preraspodjela se vrši u okviru sredstava planiranih na poziciji 613724 - Usluge opravki i održavanja cesta, željeznica i mostova, subanalitika Program održavanja lokalnih cesta u zimskom periodu se smanjuje za 10.000,00 KM i iznosi 90.000,00 KM, a povećava se Program održavanja lokalnih cesta u ljetnom periodu za 10.000,00 KM i iznosi 110.000,00 KM, subanalitika istog gore naznačenog konta.

Član 3.

Preraspodjela planiranih sredstava iz člana 2. je neophodna za finansiranje izvođenja radova po Programu ljetnog održavanja cesta za 2022 godinu.

Član 4.

Preraspoređene pozicije postaju sastavni dio Budžeta općine Breza za 2022 godinu.

Član 5.

Ova Odluka stupa na snagu danom donošenja, a primjenjuje se na Budžet za 2022 godinu.

Član 6.

Odluku objaviti u Službenom glasniku općine Breza.

Općinski načelnik
Vedad Jusić, s.r.

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinski načelnik

Broj:01/2-11-2174/22

Datum:15.07.2022 godine

Na osnovu člana 59. Zakona o budžetima - proračunima u Federaciji BiH ("Sl.novine FBiH" broj: 102/13,9/14,13/14,8/15,91/15,102/15,104/165/18,11/19 i 99/19), člana 39. Statuta Općine Breza („Sl. Glasnik općine Breza“, broj: 7/21) i člana 24. Odluke o izvršavanju Budžeta općine Breza za 2022 godinu („Službeni glasnik općine Breza“, br. 13/21) Općinski načelnik donosi:

ODLUKA**O PRERASPODJELI SREDSTAVA PLANIRANIH NA BUDŽETSKIM STAVKAMA
ZA 2022 GODINU****Član 1.**

Ovom Odlukom uređuje se obim i struktura sredstava koja su predmet preraspodjele.

Član 2.

Preraspodjela se vrši u okviru sredstava planiranih na kontu 821213 – Ostale građevine (gradska tržnica, spomen obilježje...), tako da se iznos od 268.421,49 KM umanjuje za 113.510,00 KM i iznosi 154.911,49 KM, a povećava se konto 821222 – Projekti rekonstrukcije lokalnih cesta i mosova za 113.510,00 KM i iznosi 237.145,00 KM.

Član 3.

Preraspodjela planiranih sredstava iz člana 2. je neophodna za finansiranje radova po Projektu „Jačanje uloge mjesnih zajednica (MZ) u BiH“, infrastrukturni projekti.

Član 4.

Preraspoređene pozicije postaju sastavni dio Budžeta općine Breza za 2022 godinu.

Član 5.

Ova Odluka stupa na snagu danom donošenja, a primjenjuje se na Budžet za 2022 godinu.

Član 6.

Odluku objaviti u Službenom glasniku općine Breza.

Općinski načelnik
Vedad Jusić, s.r.

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinski načelnik

Broj: 01/2-11-2142/22
Breza, 14.07.2022 godine

Na osnovu člana 39. Statuta Općine Breza ("Službeni glasnik Općine Breza", broj: 7/21), Općinski načelnik donosi

ODLUKU

I

Da se iz budžetskih rezervi Budžeta Općine Breza za 2022 godinu izdvoji iznos od 7.020,00 KM (Konto 999999) i preusmjeri na poziciju Usluge reprezentacije - (konto 613914), subanalitika – Poklon udžbenika za djecu prvih razreda osnovnih škola na području Općine Breza (139 učenika upisanih u prve razrede osnovnih škola).

II

Za realizaciju Odluke zadužuje se Općinski načelnik, Služa za privredu i Služba za finansije, inspekcijske poslove i opću upravu.

III

Odluku objaviti u „Službenom glasniku Općine Breza“.

Općinski načelnik
Vedad Jusić, s.r.

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinski načelnik

Broj: 01/2-11-2103/22
Breza, 08.07.2022 godine

Na osnovu člana 39. Statuta Općine Breza ("Službeni glasnik Općine Breza", broj: 7/21), Općinski načelnik donosi

ODLUKU**I**

Da se iz Budžetske rezerve Budžeta Općine Breza za 2022 godinu izdvoji iznos od 5.676,40 KM (Konto 999999) i preusmjeri na poziciju Ulaganja u tuđa stalna sredstva – naknada za uspostavu prava služnosti - konto 821513.

II

Za realizaciju Odluke zadužuje se Općinski načelnik, Služa za privredu i Služba za finansije, inspekcijske poslove i opću upravu.

III

Odluku objaviti u „Službenom glasniku Općine Breza“.

Općinski načelnik
Vedad Jusić, s.r.

SADRŽAJ:

182. Odluka o izmjeni i dopuni Odluke o visine naknade vijećnicima i Predsjedavajućem Općinskog vijeća Općine Breza
183. Odluka o izmjeni Odluke o općinskim administrativnim taksama
184. Odluka o izmjeni Odluke o privremenom zauzimanju javnih površina na području općine Breza
184. Odluka o korištenju Društvenog centra u Brezi
185. Odluka o organizaciji privredne, kulturne, sportske i zabavne manifestacije na području Općine Breza
186. Odluka o prihvatanju poklona
187. Odluka o usvajanju „Vizije razvoja mjesnih zajednica u Općini Breza“
192. Odluka o dodjeli u zakup poslovnih prostorija u zgradi „Radnički dom“- Udruženje građana OK „Breza 1934“
193. Odluka o dodjeli u zakup poslovnih prostorija u zgradi „Radnički dom“-Stranka demokratske akcije OO A-SDA Breza
194. Program utroška sredstava utvrđenih budžetom Općine Breza za 2022. godinu sa kriterijima raspodjele subvencije za razvoj poduzetništva i obrta konto 614510
197. Zaključak o razmatranju i zauzimanju stava po dnevnom redu 5. redovne sjednice Skupštine JP „Veterinarska stanica“ d.o.o. Breza i imenovanju punomoćnika
198. Zaključak o akuelnom i zatečenom stanju na dan 01.4.2022. godine
199. Zaključak o razmatranju pregleda obaveza preduzeća i pregled imovine preduzeća
200. Zaključak o cijenama komunalnih usluga
201. Zaključak o razmatranju problematike odvoza luga i pepela u zimskom periodu
202. Zaključak o razmatranju Informacije o strateškim izazovima i ciljevima reduzueća za naredni period
203. Zaključak o utvrđivanju cijena za zauzimanje javnih površina za vrijeme održavanja privredne, kulturne, sportske i zabavne manifestacije na području Općine Breza 2022. godine.

